

Na osnovu člana 16. stav (1) i člana 17. stav (2) Zakona o Vladi Hercegovnačko - neretvanskog kantona („Službene novine HNK“, broj: 3/07 i 5/09) i člana 28. stav (6) Zakona o koncesijama Hercegovnačko - neretvanskog kantona („Službene novine HNK“, broj: 1/13, 7/16, 6/18, 9/19 i 1/21), Vlada Hercegovnačko - neretvanskog kantona je na 6. sjednici, održanoj 19.12.2023.godine, donijela

ODLUKU

O DODJELI KONCESIJE ZA OBAVLJANJE ELEKTROPRIVREDNE DJELATNOSTI PROIZVODNJE, PRENOSA I DISTRIBUCIJE ELEKTRIČNE ENERGIJE ZA ČETIRI ELEKTROENERGETSKA OBJEKTA FNE „GLOBALIS 1“, FNE „GLOBALIS 2“, FNE „GLOBALIS 3“, FNE „GLOBALIS 4“

I

Vlada Hercegovnačko - neretvanskog kantona kao koncesor (u daljem tekstu: koncesor), dodjeljuje privrednom društvu Globalis d.o.o. Mostar, Alekse Šantića bb, Mostar, kao koncesionaru (u daljem tekstu: koncesionar) koncesiju za obavljanje elektroprivredne djelatnosti proizvodnje, prenosa i distribucije električne energije za četiri elektroenergetska objekta i to:

- FNE „Globalis 1“ instalisane snage 900 kW, na parcelama k.č. broj 1259/1 i k.č. broj 1259/2 K.O. Neum.
- FNE „Globalis 2“ instalisane snage 900 kW, na parcelama k.č. broj 1259/1 i k.č. broj 1259/2 K.O. Neum,
- FNE „Globalis 3“ instalisane snage 900 kW na parceli k.č. broj 1259/1 K.O. Neum i
- FNE „Globalis 4“ instalisane snage 500 kW, na parceli k.č. broj 2386 K.O. Moševići.

II

- (1) Koncesija se dodjeljuje na period od 30 godina od dana početka korištenja koncesije.
- (2) Rok trajanja koncesije počinje teći od prvog dana perioda važenja dozvole za rad za proizvodnju električne energije.
- (3) Koncesija prestaje istekom tridesete godine od dana početka korištenja koncesije.

III

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

IV

- (1) Jednokratna koncesiona naknada za:
 - FNE „Globalis 1“, FNE „Globalis 2“ i FNE „Globalis 3“ pojedinačno za svaku fotonaponsku elektranu iznosi: 4.492,42 KM (slovima: četiritisućečetiristotinedvedesetdvije konvertibilne marke i 42/100),
 - FNE „Globalis 4“ iznosi 2.657,10 KM (slovima: dvijetisućešeststotinapedesetsedam konvertibilnih maraka i 10/100).
- (2) Tekuća koncesiona naknada je:
 - koncesiona naknada za korištenje obnovljivih izvora i obavljanje djelatnosti (TKN) koja se obračunava prema formuli:

TKN= 0,03 x GBP x 0,05 x 14,80

(3) Sredstvo osiguranja za izvršavanje obaveza plaćanja jednokratne i tekuće (godišnje) koncesione naknade, je безусловna bankarska garancija za svaku vrstu naknade posebno i to u vrijednosti iznosa ovih naknada, a ugovorom o koncesiji poblje će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije i izgradnje elektroenergetskih postrojenja ove vrste.

(2) Zakonski propisi i standardi koji regulišu pitanja građenja, zaštite okoliša, vodoprivrede, šumarstva, poljoprivrede i zaštite na radu, su također obavezujući za koncesionara.

VI

Ugovorom o koncesiji obavezno će se propisati i slijedeće obaveze:

- a) da se koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz tačke V ove Odluke, ukoliko postoje zakonske obaveze i uslovi za to ishodovanje i fotokopije istih dostaviti koncesoru u roku od 15 dana po pravosnažnosti;
- b) da će se ugovor o koncesiji raskinuti pod uslovima predviđenim Zakonom o koncesijama Hercegovačko – neretvanskog kantona, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede, ili lice koje ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko – neretvanskog kantona;
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Koncesionar može, u roku od 15 dana od dana prijema ove Odluke, Vladi Hercegovačko - neretvanskog kantona, putem Ministarstva privrede HNK, podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

VIII

Odluka stupa na snagu danom njene konačnosti, a objavit će se u „Službenim novinama Hercegovačko - neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02- 3091 /23
Mostar, 19.12.2023.godine

